

BAB V

KACINDEKAN JEUNG SARAN

5.1 Kacindekan

Basa Sunda dialék Indramayu anu dipaké ku masarakat di Kacamatan Léléa jumlahna aya 316 kecap tina 505 kecap sitilah-istilah anu sok dipaké dina kahirupan sapopoé. Tina jumlah sakitu téh aya 246 kecap salancar jeung 70 kecap rékaan. Tina 70 kecap anu kaasup kana kecap rékaan, kapanggih aya 20 kecap rundayan, 6 kecap rajékan jeung 44 kecap kantétan.

Kecap dialék Indramayu loba anu méh sarua jeung kecap lulugu, hartina bédana ngan ukur dina fonétisna, ari bédana fonologi basa dialék Indramayu jeung basa lulugu nyaéta dina cara ngucapkeun sora katut lentongna. Wujudna nyampak boh dina konsonan boh dina vokal. Bébédaan fonétisna aya 40 kecap.

Bébédaan morfologis nyoko kana bédana wangu kecap tina unsur-unsur morfémna. Bébédaan anu kapanggih tina data basa Sunda dialék Indramayu aya 6 kecap anu dibagi kana 5 pola.

Bébédaan semantis téh nyoko kana bédana BSDI jeung BSL disawang tina jihat ma'na, kapanggih aya tilu rupa nyaéta (a) bébédaan homonimi, (2) bébédaan onomasiologis, jeung (3) bébédaan sémasiologis.

Bébédaan homonimi nyoko kana wangu kecap anu sarua atawa mirip sarta hartina béda. Tina hasil analisis data kapanggih aya 7 kecap.

Bébédaan onomasiologis ngawengku kana bébédaan kecap antara BSDI jeung BSL anu miboga konsep anu sarua. Bébédaan anu kapanggih tina data basa Sunda dialék Indramayu aya 13 kecap anu kaasup kana bébédaan onomasiologis.

Bébédaan semasiologis mangrupa kabalikanna bébédaan onomasiologis. Bébédaan semasiologis ngawengku kecap dialék anu miboga wangu nu sarua tapi hartina béda. Bébédaan anu kapanggih tina data basa Sunda dialék Indramayu aya 23 kecap anu kaasup kana bébédaan sémasiologis.

5.2 Saran

Sanggeus diayakeun panalungtikan ngeunaan basa Sunda dialék Indramayu, aya sababaraha hal anu hayang ditepikeun minangka saran.

- 1) Dipiharep pamarentah daerah leuwih merhatikeun deui kana basa dialék anu aya di daerahna.
- 2) Dipiharep masarakat miboga rasa kareueus dina maké basa Sunda dialékna sewang-séwangan. Minimal di lingkungan kulawargana.
- 3) Dipiharep guru-guru basa daerah bisa ngawanohkeun deui basa dialék anu kadéséh ku basa deungeun atawa basa daerah séjénnna